



Universitätsbibliothek Paderborn

**Iacobi Llobetii Leodiensis E Societate Iesv. Specvlvm
Ecclesiasticorvm, Ac Religiosorvm.**

Llobet de Lanthin, Jacques

Leodii, 1640

§. 2. Quæ ætas beneficio Ecclesiastico sit idonea?

[urn:nbn:de:hbz:466:1-47105](#)

398 SPECVLVM ECCLESIASTICORVM,
cathedra supremi Ecclesiæ Præsides, quæ in exedris
veneranda Sanctorum Patrum authoritas, vox vna-
nimis, & consensus requirunt: ego ex ijs tria fusius
explicabo, quia ad commune bonum plurimum
conferre videntur. Ea sunt quæ olim in Concilio
Viennensi requisivit Clemens V. videlicet ætas,
scientia, mores.

§. 2.

*Quæ ætas beneficio Ecclesiastico sit
idonea?*

PRIMA surgentis Ecclesiæ ætas, utpote magis in-
noxia, non tam annorum rationem habuit,
quam meritorum: neque temporis calculos sub-
duxit, sed virtutis numeros amavit, & in ijs con-
quieuit. Eoque factum ut neque Sacerdotio, neque
capessendis beneficijs ætas aliqua iam inde à primis
illis Patribus sit constituta. Nimirum eo loci, ac
temporis in luce erat illud Cassiodori. *Ætatem le-
gitimam virtus facit.*

Ita vel ipso Iudice Paulo, Doctore gentium, in
Episcopum adlectus Timotheus, ob singularem in
eo indolem, candidissimos mores, & dignam canis
virtutem, ac prudentiam.

*Niceph.
l. 3. c. 29.* Ita Eleutherius Episcopus Illyricus anno ætatis
suæ vigesimo est renuntiatus. Ita Remigius Chri-
stianæ Galliæ corculum, ac delitiæ, in primo ado-
lescentiæ flore, hoc est anno secundo supra vigesi-
mum

mum Rhemensis Ecclesiæ clauum tenuit, & amplissimæ diœcesis habenas moderandas suscepit.

Ita posteris sæculis sexcenti alijs, quorum adolescentia præclaris virtutibus ornata, religioni præfuit; in quos verti poterat illud, quod de Aurelio Clerico magnificè prædicauit Cyprianus. *In annis Ep. 331 adhuc nouellus, sed in virtutis, ac fidei laude prouertus, minor in ætatis sue in dolo, sed maior in honore.*

Postea tamen labentibus annis etiam labente virtutis studio, addi debuit ætati, quod meritis, quod gratiæ, quod præstantibus animi ornamentis detractum esse videbatur.

Itaque in sacris cœtibus, & vniuerso orbis terræ Concilio decretum sæpius, ut nemo unus omnium ad eas dignitates, & officia Ecclesiastica ascenderet, nisi quem natura ætas, & annorum lapsu castigata ad aliquam prudentiæ legem, laureamque promouisset.

Et quidem Infulæ, ac Pedo ætas constituta triginta annorum: quia ut ea dignitas virum ab omni virtute perfectum requirit, ita & ab ætate. Beneficijs autem quibus annexa animarum cura decreti anni viginti quinque, dignitatibus alijs duo supra viginti: Denique ad alia beneficia quæcumque datum illa sint, ætatis terminus is fuit, qui annum decimum quartū iam attigisset, imò & excessisset.

Huic Ecclesiasticæ sanctioni, & clarissimorum

Patrum

*Concil.
Later.
sub A-
lex. III.*

*Trident.
ses. 24. c.
12. Tri-
dent. ses.*

23. c. 6.

Patrum decretis consentit antiquitatis sensus, & authoritas, ipsa ratio optima legum interpres, ac moderatrix.

Certè in veteri lege Leuitæ non nisi vigesimo quinto ætatis anno consecrabantur, quod si diuino nutu, datum illud sacris illius æui, est enim uero quod Christianis officijs, & augustæ religioni id iure meritissimo concessum esse fateamur.

Et verò illud ipsum exemplo suo probauit Seruator optimus: latuit ille, & tres omnino ætates, infantiam, pueritiam, adolescentiam domestico quasi carcere, & eximię submissionis latebris continuit, nec in luce urbium, & prouinciarum diuina tractare voluit, nisi in ipso limine, adituque virilis ætatis, cum iam annum trigesimum attigisset. Aberat tamē ab illo quam longissimè illud omne vitium, quod minori ætatulæ aspersit natura: erat in illius infantia, ea morum maturitas, ac grauitas, quæ & virum deceret, & palam loqueretur: non tamen in eo sibi indulgere voluit, sed posteris seruire, esse quę documento, quod augustum Sacerdotij munus, & arcanorum diuinorum procuratio non vulgarem animi grauitatem, prudentiamque exigeret, quam non spondet nisi annis grauior, & defacata iam ætas.

Et sanè si Hesiodus è principibus Græciæ Poëtis longe celeberrimus, in eo qui vxorem duceret,

triginta

triginta censuit, & amauit annos, easque *nuptias* ¹³
tempestuas esse pronuntiauit, quidni in Ecclesiæ
sponso, qui pulchras animas, ceu nobilem cœlo,
Deoque sobolem generare debet, & alere ad im-
mortalitatem par omnino ætas postuletur? Certè
quantum corpus inter, & animam; profana, & sa-
cra, cœlum, & terram interest, tantum necesse est
inter huius, illiusque sortem, ac *nuptias* interesse.
Ut proinde merito arguendi sint illi, qui iam inde à
cunis, & prope ab utero infantibus beneficia am-
plissimasque in Ecclesia dignitates meditantur, ac
procurant.

Legimus Saporem Persarum Regem ex ipso pa-
rentis utero coronatum, Regemque proclamatum:
sed hoc datum est nimiæ subditorum indulgen-
tiae, & præcipiti vnius populi genio.

Audiuimus Nicetum, deinde Archiepiscopum
Treuirensem, ex ipso matris utero Clericum, &
coronatum: ut non tam factus, quam natus Cleri-
cus, & Episcopus esse videatur. Fuit ille amabilis
cœli ludus: & insigne prodigium futurae sanctita-
tis, ob quam iam inde ex illo naturæ carcere veluti
corona rediinitus in mortales auras emersit.

At non sic euocantur alij; non aperto cœli iu-
dicio, non scripti diuinis in tabulis; sed præpropero
parentum amore, & nescio qua vel imperandi li-
bidine, vel avaritiæ prurigine in infulas inuolant,

Ecc irrum-

402 SPECVLVM ECCLESIASTICORVM,
irrumpnntque in amplissimas dignitates. Contra
quos altiore vt folet stylo tonat , Tertulianus;
gravis morum censor , ac magister.

Adu. Iud. Infantes, inquit, ad prælium erumpunt, credo ad
solem vñcti prius, debinc pannis armati, & butyro
stipendiati, qui neque norunt lacinare, neque lancea-
re. Quod tamen eorum proprium est, ac singula-
re; qui debent esse veluti duces militantis Eccle-
siae. Sed ista pro ætate sufficiat attigisse; plura qui
L. 2. c. 7. volet consulat Cresollium in suo Mystagogo.

§. 3.

Beneficiario è triplici schola petenda studiorum,
& scientie ratio.

SCientiam amo non tam profanam , quam sa-
cram ; & eam amant, ac loquuntur iura , sum-
morumque Pontificum , ac Conciliorum decreta,
eam exigit officij muneraisque nobis impositi regu-
la , cui vel ipsa natura consentit.

Concilia Orbis terræ , & sedis Romanæ Domini-
ni, religionisque custodes, illud in primis commen-
datum esse voluerunt : vt suæ in singulis Episcopijs
essent scholæ , in quibus Clerici ad omnem sacra-
rum litterarum eruditionem instituerentur.

Eugenius Papa II. in Romano Concilio id seue-
rè mandauit. Cui deinde subscripsit Concilium La-
teranense sub Alexandro III. & postea sub Inno-
centio,